

醫

案

詳繙紳名家贈文

贈太醫東宿孫君序

蓋士君子有濟世之心者。必託經世之術以運之。遇不遇無論也。何也。得時而駕。則宇內之休戚利害。隱然共之。視其患若切於身之疾痛疴瘵。不措之安全不止。此士君子之心。得位以行之者也。不幸不獲遇。澤不及物。而心不得施。有志君子。徃徃懷其道而隱於醫。故是昔人謂濟人利物。無位者不能。惟醫以救死扶生為功。故

業之者。可以推不忍之心。及於物。而於道有益。有味乎其言之也。然醫豈易言哉。吾聞其宗旨。自內經本草以來。書之藏於有司者。一百七十九家。非博通鉅儒。起悟上哲。顯攻其業。何能探討洞明。其陰陽寒熱。靜燥虛實。消息盈縮之奧。而措之行事。夫人之待命於醫。生死攸係。迺以未諳淺薄者。嘗試之。其不賊人之命者。幾希。醫以濟人。至於賊人。可不畏耶。此醫之所以難言也。余頃多病。謁告山居。嘗嘆濟物之衷。未措於

用顧思延醫以求濟其身然而醫之良者若不
一遇也。癸壬申秋仲吳君柳溪譚新安海陽有
孫君東宿者醫可謂稱良矣。余亟請而相印證
蓋耳其論泯泯乎素難之旨而表裏夫張劉孫
李丹溪伯仁諸家其視余疾也未投藥先譚余
之經絡色脉機能與受病之自即勿藥而余病
爽然若失。及詳察其端方之度沉著之思淵淵
之閭奧則杳焉莫竟其涯非所謂深於道而隱
於醫者耶。余因詰之曰神農嘗百草先天而命

之藥。黃帝岐伯後天而著之經。此天以神授聖
以神符不可及矣。嗣後若和扁華佗淳于意仲
景思邈河間東垣朱滑莫不箴美化機制人命
於掌上術亦神也。何今之事是業者不能踵其
芳躅。取抑世代之不同也。孫君勃然曰。古今人
非不相及。用心殊爾。宋儒有言。古之仕者為人
今之仕者為己。不佞亦謂古之醫者為人。今之
醫者為己。道不同而受病一也。夫士君子之視
天下。與吾身血脉相流通。天下病若痼瘵之切。

身。天下安則愜然而無恨。雖以道為藥石者其
濟家以醫為道術者其濟狹。其心一也。故古之
醫也以救死扶生為心。其業專而用方也慎。專
則精而造詣入室。慎則審而投藥奏功。此和扁
諸名家所以悉臻秘妙稱神奇。今之醫則異是
也。將以市利。非以濟人。黃岐以來諸書非不剽
竊以資口說。迺其心則寔胡越。一膜視天下。率
以利之盈詘為心之重輕。人之濟與否若與吾
術不相關。此何以比古人而接其芳躅哉。不佞

奎何能造古賢哲之閭奧。第無愧於此心爾。余
聞而喟然嘆曰。孫君克是心而行是術。其將大
有裨於時矣。雖隱而亦顯也。因次其語而歸之。
爰以訂夫業是術者。是為序。

皆

萬曆癸酉中。魏曰吳江孫質庵。從龍敬書於符丸
草堂。

醫藥三吳治驗一卷目錄

萬曆龍飛二年吳小峯小川目疾一

萬曆甲戌沈中丞案二

張孝廉後渠大頭瘻三

吳江孫行人痛風有發明四

蘇都諫公子痘有發明五

張文學子心病虛弱有發明六

大宗伯董潯陽翁脾胃疾有發明七

董龍山夫人便血八

馬厨瘡痢併發有發明

九

吳肖峰令政腹痛有發明

十

大光祿龐太夫人寒熱頭痛飽悶十一

十一

光祿公痰火脇痛有發明

十二

張思軒夫心痺有發明

十三

馬迪庵公內傷腰脹大小便不利有發明

十四

高大司馬腸風十五

十五

鳳林內子隱疾有發明

十六

田臧公氣虛中滿十七

十七

金絡令君臧老夫人頭疫有發明

潘見所公半身不遂有發明

見所公白濁有發明

凌夫人孕二十一

金元岩令眷產後痢二十二

沈別駕夫人產後發熱有發明

吳太夫人白帶二十四

吳北海令政經行四肢壘又發塊紅紫二十五

周芻王白濁二十六

竹匠婦妊娠吐血胸腹脹痛有發明二十七

李妓夢遺咳嗽二十八

金妓時疫二十九

骨鏗胸膈不暢三十

李雙痛風三十一

沈別駕門下老僕三陽合病三十二有發明

蔡中林內人陽明少陽合病三十三

吳九宜先生早晨泄瀉三十四

沈大官左膝腫痛不能起止三十五

沈繼庵下痢脫肛 內人乾霍亂 三十五

沈晴岳先生五更耳鳴 三十六

潘景宇內人頭痛作瀉 三十七

臧六老上吐血下瀉血 三十八

臧氏婦臍邊痛下痢紅白 三十九

丁耀川令堂吐血左髂肛門互換作痛 四十

丁文學令姊暈厥 四十一

金良美咳嗽吐紅潮熱右脇不能卧 四十一

倪五娘子口眼歪邪 四十三

王祖泉令政頭痛惡寒汗出如兩四十四

溫巽橋子婦滯下四十五

溫一渠內人血虛咳嗽四十六

溫巽橋二令媳產後右脇脹痛白帶如膿四十七

溫天衢病目吐血四十八

張二娘子孕七月嘔吐不止四十九

王巽泉內眷痰嗽腹脹五十

溫南溪內人大便秘結五十一

陳春野公令愛丁美疳症五十二

潘敬全令媳血下筋膜如手大者一二桶五十三

張懷赤公早晨洩瀉下元虛寒

五十四

臧七房二老夫人痢

五十五

蔡樂川令眷頭痛如破

五十六

周盧汀廻脊胃脘痛

五十七

醫案一卷

明新安生生子孫一奎文垣甫輯

門人余煌

子

泰來

朋來

仝闕梓

三吳治驗

萬曆龍飛二年。小春月。予始遊茗之東雙林。於時
族兄吉泉之友吳小峰。與其弟小川俱病目。專
科者愈治愈重。其目始紅腫。次加大陽痛。繼則

白星翳疊出。予不以目科名。而識者稱予大夫。
因謀於吉泉曰。醫以通變為良。昔秦越人過邯
鄲。聞貴婦人。則為帶下醫。過雒陽。聞周人愛老
人。則為耳目痺醫。聞東宿君國手也。必能隨俗
為變。願一言去吾兄弟目疾。吉泉邀予。余曰。嘉
靖間。論醫者必首西吳。如周仲仁氏。凌漢章氏。
王實淵氏者。皆擅一時名。其家世必有傳也。何
為於予。吉泉曰。渠家慕弟久矣。且其尊人受博
士易。為西吳名醫。弟亦一往。藉此為談易。

地。毋遂。診其脉。小峰之脉濡而緩大。兩目血纏。直貫瞳人。薄暮則疼。小川之脉皆洪大。鼓指。黑珠有浮翳。瘡隱澁難開。大小便皆不利。故於小峰用補。先以清肝散與之。夏枯草五錢。香附四錢。甘草一錢五分。細茶五分。以徹其痛。藥西進而痛止。繼用人參白茯苓熟地黃枸杞子桂心牛膝破故紙白芍藥牡丹皮。服八日而愈。於小川用瀉。內用瀉肝湯。及當歸龍會丸。外用象牙冰片為末點之。七日全愈。其尊君我峰翁喜詣。

予曰。二目均病。年同齒染同時。諸醫同治而同不愈。先生一補一瀉。而二病均愈。何哉。余曰。此陰陽虛實之辨也。經云。實者正治。虛者從治。令姪之症。惟厥陰肝火熾盛。肝嘗有餘。有餘者瀉之。正治也。郎君下虛。又為怒所激。怒則火起於肝。肝為藏血之地。故血絲貫瞳人。而薄暮作痛。方用夏枯草。香附為君。疏其肝氣。經云。肝苦急。急食甘以緩之。故用甘草為臣。茶能清頭目。用以為使。先為去此痛。經又云。水流濕。火就燥。故

復用甘溫補其下元之虛俾火得歸原此從治也。若用苦寒降火之劑不惟血凝而痛加抑且激其火而使愈熾矣。我峰聞之語人曰孫君本陰陽而治寒熱是用易為醫也。故補者補效攻者攻效。語曰不知易者不可以為太醫。孫君神於易而於醫乎何有。願於吾茗懸一壺也。余哂之謂昔韓伯休且不欲人間知其名。余又何壺之可懸哉。一

萬曆甲戌其年自仲秋徂冬瘡子盛行三月內予

所治男婦嬰孩共七十二人。若之望族沈最著。大中丞觀願公常考功時。幼君瘖喘嗽不寧。殷啞發熱。洩瀉斑紫不斂。予以小魚比散愈之。夫人姪腹痛昏厥者五日。名醫如高陳二公者。沈媼。魚巨細悉任之。亦不能措手。予至診之。兩手脉皆洪大。法當下。衆僉以姪難之。予曰。經云。有故無殞。亦無殞也。姪已九月將解。即胎動奚傷。若當下不下。不獨其痛難忍。而變且不測。考功是予言而請藥。一服。水氣湧加。蘊梗砂

仁下之而安。考功偶冒風頭痛倦怠發寒熱如
瘧脉浮絃而數。予曰此小柴胡湯症也。一劑而
瘧考功請告家居者二十年。篤好方書。予幼之
茗茗人未知予。考功聞予亟欲識之。謂予治病
甚竒。又與予論傷寒痘疹胎產皆中窾深然之。
語人曰良相良醫等爾。如孫君所詣即千金不
足為其重。特讓醫說書於冊。以不朽孫君云。二
張孝廉後渠。丁年患大頭疫頭大如斗。不見項唇
垂及乳。色如紫肝。昏憤不知人事。見者駭而走。

其年疫甚痛人畏傳染至廢帛慶張與考功公
子同受春秋於會稽陶春源所陶邀予診之其
脉皆浮絃而數初以柴胡一兩黃芩玄參各三
錢薄荷連翹葛根各二錢甘草一錢服三劑寒
熱退絃脉減但洪大予知其傳於陽明也改以
芩藜一兩葛根天荅粉各三錢甘草一錢黑豆
四十九粒一劑腫消其半再劑全消藥粒不入
口者二十一日再與小柴胡湯兩劑服之始納
乾糕如指者兩條次日進粥而漸平矣丁酉秋

關報捷三

吳江孫質庵老先生。行人時患痛癢。兩手自肩顛
及曲池。以至手梢。兩足自膝及跟尻。腫痛更甚。
痛處熱。飲食少。請告燕還。而伏蓐者三年。里有
吳君九宜者。沈考功兩席也。見予起後渠疾。因
語行人逆予。診其脉皆絃細而數。面青肌瘦。大
小腿肉皆削。予與言。此病得之稟氣弱。下虛多
內以傷其陰也。在燕地又多寒。經云氣主煦之。
血主濡之。今陰血虛。則筋失養。故營不營於中。

氣為寒束百骸拘攣故衛不衛於外營衛不行
故肢節腫而痛痛而熱病名周痺是也治當養
血舒筋濕潤燥使經絡通暢則腫消熱退而
痛止矣痛止即以大補陰血之劑實其下元則
腿肉復生稍愈之後願加珍重年餘始可出戶
行人聞而喜曰果如公言是起白骨而肉之也
吾即未藥病侶半去惟公每劑予先以五加皮
蒼朮黃柏蒼耳子骨脂桑寄生薏仁羌活防風秦
朮紫荊皮服之二十劑後筋骨漸舒痛減

五平更以生油。龜板。牛膝。蒼朮。黃柏。晚蚕沙。蒼耳子。以仁海桐皮當歸。秦艽三十劑而腫痛全減。行人公益喜。予曰。病加於小愈。公下元虛憊。非歲月不能充實。古謂難足而易。老者陰也。須痛戒酒色。自培和氣。斯飲藥有效。而沉疴可除。據公六脉。輕清流利。官必腰金。願葆真以頌之。萬母自輕。來春氣和。可北上也。乃用僂茅為君。枸杞子。牛膝。鹿角膠。虎骨。人參。為臣。熟地。黃黃。栢。晚蚕沙。茯苓。蒼耳子。為佐。桂心。秦艽。澤瀉。為

使蜜丸服百日。腿肉長完。精神復舊。又喜語予曰。貧官何以稱報。讓次公濟人澤物盛德於沈考功冊後。以彰盛美云。後十年。行人官至江西。

副憲四

鄭都諫春寰公長君。四歲患痘。稠密煩燥。醫者星羅。皆以為熱盛不退。形枯色紫。頂有焦瘡。症逆必不可為。將辭去。予至。細觀之。見兩太陽圓準。神氣萎靡。謂常急為涼血解毒。用赤芍藥生地黃各三錢。紫草二錢。連翹黃芩貝母山查木通。

各一錢。蟬退甘草各五分。藥成劑而衆止之曰。麻要清涼。痘要溫。故博愛心鑑以保元湯為良。吾儕將劑而進之。乃公獨主寒涼。保元之謂何。予曰。用藥貴對症。保元湯良矣。必血活熱清而後可用。今血熱毒盛而用溫劑。是火熾添油也。衆曰。若慮毒未解。吾茗醪法甚佳。用桑葉雞冠血酒調服之。痘即立起。而慎氏王氏茅氏皆茗上專門名家。亦以為言。予曰。此法亦可用於清解之後。經曰。諸痛瘡瘍皆屬心火。火未退而用。

是以毒攻毒其勢愈熾予故欲先清解而後保元也。惟楚銅壁山人黃桂峰者治痘高手也。獨語鄭公曰。孫公之劑寔與症對。衆論皆膠固不達變者。第恐清解之劑用遲一日爾。試煎服之以觀其後。鄭公命僕速煎。衆猶持議曰。如必服此劑亦當揀去貝母山查。鄭公聽其減去。至夜予始聞。隨語桂峰曰。減去二味。恐七八日後不能無它症。桂峰曰。何以故。予曰。此痘內傷外感俱未清楚。今帶熱而出。故其膜猶膨脹。去貝母

恐搶喉。去山查恐洩瀉。七八日痘毒出盡。腹內
空虛。變從虛出。諸君素以痘專科。何不慮及此。
其夜服藥後。即嗒然而睡。天明痘色明潤。焦頂
盡退。血亦漸活。惟嘔噦搶喉。衆又以昨日之劑
太寒所致。予曰。此火毒未盡徹也。宜進竹茹湯。
而慎雲峰怫然曰。吾家世世業痘。年亦七十有
五。曾未見治痘用竹茹者。春寰公令弟樂津公。
檢痘疹全書用竹茹者以正。慎語塞。悻然而去。
藥進而噦止。至八日果洩瀉發痒。予以保元湯。

加白朮以治瀉。大加何首烏以止痒。一帖而痒止。至十四日。天庭兩額皆回漿作靨。惟兩頤漿未回。洩瀉不止。予因偶出北門半日。歸見其口開項軟。手足瘡氣盡癩。腹又作脹。已成內攻。舉家啼泣。予亦茫然。不遑為計。嘆息出門。樂津公扼而送之。少間揖別。而聞衣間瘡臭。語樂津曰。公聞臭乎。曰。聞。予曰。似有生意。亟還起之。予思兩頤乃腎經部位。獨不回漿者。腎元虛也。峻補腎元。庶可使活。先以紫河車一錢。用酒漿調服。

固其元氣服後即睡繼以人參一兩黃芪克經
子各三錢作大劑服之一日夜服人參一兩八
錢黃桂峰是夜自松江還時已四鼓亟叩門而
入鄭語之變且告之服藥黃曰。嗟吾看作何狀
見其結齏之下復灌一線黃漿贈瘡盡起桂峰
曰。萬全矣。非孫公不能起此病。桂峰由此益昵
于出必聯舟歸則同榻相印正者三年。鄭公感
予而作序以贈。趙希孫憲副公冊後識不忘也。

五

張文學子心。二尹可泉公長君也。自知醫弱冠病。吳下名醫皆診之。僉曰。瘵治久不効。子心亦自分必死。督家人具秘器。已沐浴衣襪衣而卧。止寢。斷粒絕藥者二日。可泉聞予治其高第。張星岳之孀。竒。因訪予曰。病心痺而尸寢。決旬者能起之。誰不嘖嘖稱公高手。吾子病且革。幸憐而診之。予至診其脉。左寸短弱。右關畧絃。餘皆洪大。其症咳嗽。下午熱。從兩足心起。漸至頭面。夜半乃退。面色青。形羸氣促。多夢遺。交睫卧床褥。

奄奄一息耳。時則七月初旬也。胗畢語可。泉公曰。郎君病可治。不宜豫凶器也。可。泉公曰。諸醫
僉謂火起九泉者。十不救一。大肉盡削者死。咳
嗽加汗者死。脉不為汗衰者死。又當此鏹石流
金之候。又恐肺金將絕。豚子亦自謂無生理。先
生何言可治也。予曰。汗多者。孤陽幾於飛越也。
可。泉公曰。飛越亦死候也。予曰。幾者將成未成
之辭也。症雖危。其色其聲音。其脉尚有生意。終
不可以一凶而廢三善。兩顴不赤。心火未焚也。

聲音不啞。肺金未痿也。耳輪不焦。腎水未涸也。
相書云。面青者憂疑不決。左寸短者心神不足。
闕畧絃者。謀為不遂。夫心者萬事萬化之主。內
經曰。主明則下安。主不明則十二官危。又肝主
謀為。胆主決斷。肝為不決。故色青。症與色與脉
皆非瘵也。蓋即君志願高而不遂其欲。殆心病
非腎病也。經曰。色脉相得者生。子故謂即君之
病可起也。病者聞言。明日語其父曰。吾今猶寐
者。初寤矣。從來未有此論。沁吾心脾也。吾病由

星士許決科於癸酉。是年予落第而同窓者中
故怏怏至此。先生得吾心於色脉神矣。此言可
當藥石。謹拜命。予為定方。煎方名調肝益神湯。
以人參、酸棗、仁龍骨為君。丹參、石斛、貝母、麥冬、
五味子為臣。山梔、香附為佐。服二十帖而病起。
丸方則大龜板、熟地黃、枸杞子、人參、麥冬、五味
茯苓、蜜丸服三月而精神健。肌肉完。次年生女。
可泉公。茗中名士。奇予治而延譽。聞於大宗伯。
董潯陽公。宗伯方驩余者。由可泉公始也。六

大宗伯董溥老。年六十七。有脾胃疾。翁以過啖瓜
菓而胃脹痛。時當處暑也。延予治。診其脉寸
關絃緊。觀其色。補歲氣固。翁門下蔣虹橋沈樂
閒者。多藝人也。公素親信二公。詰予曰。症脉何
如。予曰。症脉雖白。腹脹痛然。易瘳也。二公曰。翁
生平不能素食。今輟瀉。今不如葷者半月。燕居
好奕。好看書。好作詩文。即盛暑亦手一編不言
倦。日永亦不瞌。今不親筆硯者月餘。不櫛沐者
七日。它一切無所事事。倦極矣。諸名家如沈竹

亭沈眷宇金樛丘有荆脩嘗之無益也而公何
言易子曰諸公不過用二陳平胃加山查麦芽
等消導劑耳與症何涉蓋翁傷於瓜菓而為寒
濕淫勝經云寒淫所勝治以辛溫然瓜菓非射
香肉桂不能消此諸公所以不能愈翁疾也予
以高良姜香附各一兩為君肉桂五錢為臣射
香一錢為佐每服二錢酒調下之藥入腹胃次
便寬耳而知餓三服而巾櫛交接賓客如未病
者翁語沈將曰孫君所見所養度越諸人若是

往聞治張氏子，氣絕兩日而能活之。今於活吾病，益信誠臨舊語。國之遺特書一軸，以彰其高。因以紀一時之良遇云。七

大宗伯郎君董龍山公夫人為憲副茅鹿門公女，年三十五而病便血，日二三下，腹不疼，諸醫診治者三年不效。予診之，左脉沉瀉，右脉漏出關外。診不應病，予竊謂血既久下，且當益其氣而升提之，以探其症。廼用補中益氣湯加阿膠地榆側柏葉，服八劑，血不下者半月，彼自喜病愈。

矣。偶因勞而血復下，因索前藥。予語龍山公曰：夫人之病必有瘀血積於經隧，前藥因右脉滯，關難憑，故以升提兼補兼澀者以探虛實。取全得病情，法當下而除其根也。龍山公曰：三年間便血雖一日二三下，而月汛之期不爽，每行且五日，如此尚有瘀血停蓄耶？予曰：此子因其日下月至而知其必有瘀血停蓄也。經云不塞不流，不行不止。今之瘀實由塞之行也，不可再澀。古人治痢必先下之，亦此意也。公曰：明日試卜。

之。予曰。卜以決疑。不疑何卜。公隨以語夫人。夫人曰。孫先生非誤人者。識見往。又出尋常。宜惟命。蓋夫人讀書能文。聰明謀斷。不啻丈夫。故言下便能了悟。即用堯仁承氣湯。加丹參五靈脂。荷葉蒂。水煎。夜服之。五更下黑瘀血半桶。其日血竟不來。復令人索下藥。予曰。姑以理脾藥卷之。病根已動。竅五日而再下未晚也。至期復用下劑。又下黑瘀如前者半。繼以補中益氣湯。參苓白朮散調理。六

大宗伯董潯老門下有馬厨者。七月初旬病。病二十餘日愈劇而勢甚無時。宗伯對余奕正酣而蔣虹橋沈樂閒報曰。馬厨危在旦夕。宗伯聳之。推枰嘆息曰。吾命。吾命。予叩其故。語曰。能厨者不下二十人。獨此厨適吾意。將恃之以怡晚節。今病不可起。柰何。予詰何病。翁顧蔣與沈曰。第詳道其狀。蔣沈述其症。大發寒熱。寒至不憚入炆。熱至不憚下井。痢魚紅白。日夜八十餘行。腹痛惡心。汗多。神氣倦甚。究其脉曰。脉不吉。下痢

脉洪大者死。細微者生。今洪大逆也。予曰。痢固忌洪大。寒熱亦非細微所宜。其中必有故。二公曰。幸一往決之。潯翁不可。謂何可以細人而勞長者。予曰。醫寄人生死。何論巨細。矧事翁之人。猶不可坐視不救也。潯翁欣然。握余手偕行。至宅後橋。余入門。同居數十家。皆執香拱立以伺。診其脉。察其症。果如蔣沈所言。其面色微紅。汗淋。下。予究病所由起。渠謂過客衆。厨間燥熱。食瓜菓菱藕過多。晚又過飲。御內而寢於樓簷。

天下次日即寒熱厥病。...
尚未通一治法。因見某之...
老猶立而送予。見予...
如前握余手而回。蘇沈謂予可治否。予曰...
先生霍亂。偶有一得。通背水醃也。人參白朮...
薑滑石各五錢。知母地黃各三錢。大附子...
更各二錢。作一大劑煎之。蘇沈問予...
命近侍煎於其側。不欲蘇沈問也。熟則付飲之。
飲訖即睡。老先生曰。服後何狀。為佳。予曰。倘得

一睡則陰陽始和。和則汗可欽而寒熱嘔惡可止也。蔣沈曰：聞已睡矣。明日巳刻，二公鼓掌來言：夜來痢減半，汗吐全無，脉亦斂矣。再用人參石膏白朮白芍藥滑石各三錢，炮姜肉桂知母各二錢，炙甘草附子各一錢。服後瘥止，痢又減半。飲食漸進，神氣漸轉。改用白芍藥酒炒五錢，人參白朮滑石各二錢，甘草陳皮炮姜肉桂各一錢。三劑而痢全止，飲食加，漸就安矣。蔣沈問曰：公寒熱均投，此為何症，而劑何名也？予笑曰：

此種治法
今醫所未
印

三陽於夏秋之時，白虎湯益元散皆解之
氣入裏寒涼陽其中氣。酒後亦也。損其下之者
于理中湯正所以溫中補下者。內經又云。實者
邪氣實也。故以白虎湯益元散應之。虛者正氣
虛也。故以理中湯應之。若以寒熱均用為疑。而
張仲景附子甘草瀉心湯。既用大黃黃連。又用
乾姜附子。此何說哉。蓋假對假真對真也。海翁
躍然喜曰。先生惟是故能起垂斃之人而生之。

余詩冊中臨苗虢國之談。非虛語矣。九

吳江吳太僕長君肖峰令政。太宗伯董潯老次女也。患咳嗽。體倦多汗。腹痛。呻吟不絕。口者半月。吳江之醫不效。訪遠近名最著者。如姑蘓盛氏。後湖王氏。后山震澤沈氏竹亭。先後遍治之。而痛愈加。予適寓茗城。龍山公邀予乘快舫。兼程而進。至則診其脉。左手三五不調。右手沉絃。面色青。而息甚微。腹中漉漉有聲。予因問。上年夏月。曾病否。肖峰曰。曾頭痛。體倦多汗。動止無力。

不能親事但不咳嗽不腹痛今五月病如上年而市醫謂傷日所致用參藜飲表之始咳嗽沈為其清嗽則加腹痛王與盛謂通則不痛以沉香漆痰丸下之則勢熾而不可支予方彈思謂此迺注夏病仲景謂春夏劇秋冬瘳者是也而龍山公詰問注夏何為咳嗽予曰原不咳嗽由參藜飲而咳嗽也汗多又重發汗痛金受傷故燥而嗽何為腹痛予曰原不腹痛因治嗽而寒其中氣腹故痛也後事者又不究其因寒而

痛乃謂通則不痛而用寒涼瀉痰之劑重傷其中氣不思五月六陽之氣皆散於外汗而又汗汗多則亡陽夏至一陰將萌腹中尚虛虛而復下下多則亡陰陰陽俱亡不憊何待予欲酌一方以起之恐從事者又將議其後龍山促之乃用酒炒白芍藥五錢甘草黃芪各三錢桂枝二錢大棗二枚水煎而服加粘糖一合吳下諸公果群然又辨龍山公曰不必辨病者望此以甦其生速煎飲之飲訖而睡自已至申不醒先事者

皆搖首命僕急携藥囊將去且語龍山公曰奈
令妹之速者孫君也本草云夏不用桂伐天和
也諸痛不補助邪氣也故一飲而不醒吾濟行
矣龍山公以其言語余因詰病者之熱睡予曰
所喜者以其睡也睡則陰氣生陰生則汗可斂
痛可止也假令藥不對症安得有此又詰所換
之劑何名予曰此仲景小建中湯也出金櫃要
畧蓋建者立也中者陽明所主今腹痛如縛帶
脉急縮也東垣治例腹痛以芍藥為君惡寒而

痛加桂。甘草緩帶。脉之急縮。用以為臣。經曰。急者緩之。面青脉絃。肝氣盛也。肝屬木。木盛則脾土受制。而又誤下。因傷之極。故痛之猛也。經云。木得桂而枯。佐以黃芪。伐肝補脾。又能斂汗止瘧。此建中之所由名也。語未竟。內報病者醒而索粥。予曰。與之穀氣。進則有本矣。粥後又睡。至天明。腹全不痛。惟稍咳嗽。加五味子。表門冬。兼治注夏而全瘳。馬龍山公述病之始末。劑之藥味。報大宗伯。宗伯公致言於予曰。足下以四味

之常藥。振不起之危病。名震三吳。聲溢兩浙。昔
宋景濂為朱丹溪立傳。吾固不敏。幸先生以所
治節條付之。俾序以傳於後。俾工是術者有所
藉手。予憮然語龍山公曰。何修而得老先生寵
幸之深也。第令妹被尅伐太過。陰陽俱亡。今病
雖愈。而脉絃不退。猶可為慮。幸叮寧戒暴怒。節
飲食。謝去人事。恬澹多補。庶可永年。不然。亥月
陰極陽生。恐不能保無患也。慎之慎之。後至期
與肖峰。齟齬怒而絕藥。果以凶聞。若人多子之

直與先見云十

大光祿龐公子遠。吳江人也。其太夫人病頭痛。寒。曾兩週且痛。時發寒熱。吳醫王后山者。有時名。吳人最所篤信。延治五日不瘥。問予居吳。禮致為治。診其脉。右滑大。左浮絃而數。問服何劑。光祿公曰不識。而有藥在。予視之。偶失言曰。左矣。時有西席項姓者。聞言而厲聲曰。此三吳最名士也。渠發劑而有議者。輒面唾之。幸不在尔。予笑曰。渠是而議者非。則當唾人。渠非而議者

是自唾且不暇。何暇唾人。四物湯。玄胡索牡丹
皮香附子。養血調經劑也。太夫人七十餘矣。而
有經可調哉。投劑之左。由生平守常套而不知
因人因症隨俗為變也。項子曰。此何症。予曰。仲
景有云。頭痛惡寒。外感病也。浮絛而數。胃滿漉
痛。少陽脉症具在。右脉滑。飲食滯而為痰。彼用
當歸地黃芍藥。皆滯痰閉氣之味。內傷何由得
消。外感何由得出。此症只宜用柴胡湯合平胃
散。一二帖可瘳也。項猶有言。光祿公曰。勿辨錢

藥而涇渭明矣。一飲而寒熱除。再飲而胃鬲表
光祿喜曰。竒公名。不虛附矣。予私問項子何極
譽王。光祿曰。項初受業於王。未睹大方。而獨是
其師說。多見其識之不廣也。十一

光祿公後有事於庄所。值中秋。乘酒步月。失足一
跌。扶起便脅痛。不能立。晝夜不寧。行血散血。活
血之劑。一日三進。閱三月。服二百餘帖。痛不少
減。因迎予治。診之。脉左絃。右滑數。予曰。此痰火
症也。公曰。否。賤軀雖肥。生平未嘗有痰。徒以遭

跌積瘀血於脅間作痛爾予曰據脈實痰火也
痰在經絡間不在肺故不咳嗽而亦不上出肺
書云滑為痰絀為飲予據脈而認痰火如瘀血
脈必沉伏或芤或濡也面色亦必帶黃前諸君
以瘀血治者皆徇公言不以色脈為據且多服
峻厲剋伐破堅之劑無效此非瘀血之積明知
公欣然請藥即用大瓜蒌帶殼者二枚重二兩
研碎枳實甘草前胡各一錢貝母二錢與四帖
公以為少予曰愚見猶以為多此症服此一二

劑可瘳。又即報我為製補之藥可也。公得藥

一更矣。仍煎服。五更腹中

一二次。皆痰無血。痛減大半。打服。又下痰數碗。

許。痛全止。隨能挺立。三服。腹中不復有聲。亦不

瀉。蓋前由痰積瀉也。今無痰。故不瀉。公曰。望聞

問切。四者醫之要務。人人皆著之。口吻。而先生

獨見之。行事。即予母子之疾。先有事者。皆吳之

名流。微先生。吾殆撞壁矣。何能還轅而生哉。吾

嘗是。益服先生之高。十二

進賢三尹張思軒公與潘少保印川公皆受室於施氏。稱聯襟云。施故富家。而張公夫久賢慧。治家勤篤。為人精潔周致。以產多而氣血憊。又以婚嫁繁而費用不支。積憂年將五十。因病心癢。發則暈厥。小水短澀。胃高痛不可忍。煩躁乾噦。惡內蒸熱。氣膈又上騰。肌削骨立。月汛不止。菴城時輩有認為氣快者。有認為高食者。皆束手無措。尸寢浹旬。漿粒不入口者五日。凶具備而待斃。舉家計無所之。惟神是禱。予適在潘府。逆

予診之。脉左絃大。右滑大而數。於畢。予曰。可生也。病機云。諸逆吐酸。皆屬於火。諸風掉眩。皆屬於木。法當調肝清熱。開鬱安神。諸醫群然自攝。而背謹。白書云。骨蒸內脫者死。形瘦脉大。胃中多氣者死。絕穀食者死。孫君獨許其生。果藥王再世哉。予若不聞。而檢藥以進。竹茹滑石各三錢。白苧菴仁七分。半夏麴橘紅姜連茯苓各一錢。甘草五分。水煎。令一口口嚥之。服畢。噦止。量定。次日用溫膽湯。調辰砂益元散三錢服之。胃

高頰開。漸進飲食。小水道長。煩躁盡減。駸駸然
安若無事。後用逍遙散六君子湯加黃連香附
三越月而肌肉全。精神如舊。若人駭然曰。能起
此病。信藥王矣。子三

馬二尹迪庵公。年五十五。以掃墓而過食鰻肉。捲
餅。心腹脹痛。市醫不知用吐。而遽用硝黃下之。
大便不行。脹痛愈增。繼至者。又用水香檳榔丸。
繼又有下。以小承氣湯者。有下。以大承氣湯者。
十日多。脹痛益甚。飲食粒不能進。大便並不行。

小水亦僅點滴。後醫又以大黃芒硝多服不行。謂非白餅子不可。服五日而脹痛尤加。又謂非備急丸不可。服三日脹痛益不可當。又用甘遂芫花大戟牽牛之屬。服三日。不惟大便不行。并小便點滴亦無矣。脹不可言。衆醫大叫稱恠。自三月初二日起。至是念二日矣。有名士王南野者。用灸法。灸中脘三十餘壯。毫不為動。因斷其越三日為念五戌時。當棄人間。迺老四子皆逢掖。聞言涕泗。時有張太學懷素者。迺老甥也。見

予起張思軒夫人疾。喻亟請予。予至。觀其色蒼黑。神藏不露。聲音亮。惟腹大如覆箕。不能反側。診其脉。兩手皆滑大。兩尺尤有力。究其受病之源。查其歷服之藥。予駭然。以為未聞且見也。因思一治法。先用六君子湯加木香砂仁。參朮俱用二錢。乃傍有錢小松者。自稱家世受醫。見劑爭之。予曰。非若所知也。彼猶喋喋詰予。謂人言中滿者。瀉之於內。大小便不利者。當先利大小便。然歟。予曰。非人言。素問云云也。又云。諸痛不

得用參朮。蒼黑之人尤忌。先生既知素問。柰何不用通而用塞也。予愀然不答。顧迪老諸子言曰。錢君拘儒常見。何能起尊君病。尊君非中滿鼓脹症內傷症也。當始傷時。猶在上。南法當用吐。素問云。在上者因而吐之是也。不用吐而用下。藥以傷其脾。脾氣傷則失運動之職。是以愈下愈傷。愈傷愈脹。不思脾氣傷而神不為用。藥不能行。又以峻厲之味益下之。是遵何說也。予因脾傷。故用六君子湯以醒其脾。木香砂仁助

其運動。再用吐法。吐出前藥。予劑非治尊君之病。治諸君藥也。予初欲為諸君諱。何錢君激予。而使暴其短哉。且予不慮大便不行。獨慮行之不止也。錢又謬言。急則治標。今法用盡。不能使一行。何以不止為慮。予曰。君試思。常人能服硝黃幾何。服芫莖白餅子幾何。今硝黃服過五斤。芫豆白餅之屬。服過五六兩。又加甘遂牽牛芫。荅大戟。至悍至急之劑。幸而大便未行。藥性未動。尚可為計。若一行。而諸藥性動。譬甕水痘漏。

其中能蓄點滴哉。危矣。錢又詰迪老多服下藥而大便不行何也。予曰。此易知之。始為食傷。繼為藥傷。所傷在上中二焦。下元未損。故兩尺脉尚有神氣。難經曰。人有两尺如樹之有根也。內經曰。腎者胃之閔。蓋腎主大便。觀其色蒼黑。神藏氣固。皆由根本未動。賴此猶可為也。服藥後腹中大痛。予知其藥力已動。改用人參。蘆防風。蘆升麻。桔梗各三錢。水煎服之。少頃用鷲翎探口中令吐之。前服藥物一湧而出。十數碗。病者

以手加額曰目前光矣。此巳時也。予曰酉時大
便必行。可預買人參數斤。以備不虞。至午進至
寶丹一帖。以溫中氣。未中間腹中汨汨有聲。瀉
氣下滾。頃刻間腹寬數寸。至晚大便秘行一次。小
水畧通。予即用人參白朮各五錢。炮姜三錢。荳
苓二錢。木香甘草各五分。陳皮一錢。今急煎服。
四鼓又大便秘一次。小水繼至。脹痛漸減。次日大
便瀉十次餘。因以前理中湯劑為丸。與煎劑兼
補。腹脹全消。飲食漸進。共瀉七十二日。服人參

二斤餘。若人聞以補收功。群然異之。而錢小松始帖然心服曰。奇哉奇哉。人多用攻。孫君獨用補。人多用下。孫君獨用吐。由見之真。而所投者確也。醫可易言哉。今而後知孫君之高矣。十四

潘大司馬公嘗有腸風之疾。八月丁祭。學博餽鹿血。食之而血暴下。致子治。用槐角子五錢。黃連。枳殼。地榆。貫衆。各三錢。一服而止。大司馬善其方。書之粘壁間。遇有便血者。輒依方藥之。無不立愈。喜甚。鼓腹謂諸子曰。往而姨之疾。族醫無

不言必死。孫君獨能生之。神哉。進乎技矣。子曰。
昔扁鵲有言。予非能生死人也。此當自生者。越
人使之起耳。予何能。亦張安人當自生也。大司
馬公由是益重予。病無巨細。悉任之。而予亦得
盡其術云。十五

迺老之子鳳林。見予起。乃翁疾。乘間語曰。內子包
有隱疾。每月汛行。于戶傍。輟生一腫毒。脹而不
痛。過三。五日。以銀簪燒紅針破。出白膿。蓋餘而
消。不必貼膏藥。而生肉。無疤痕。初間用針刺。近

只以指搗之。膿即出。但汛行即發。或上下左右而無定所。第不離子戶也。于今八年。內外科歷治不效。且致不孕。先生學博而思超。幸為籌之于沈思兩日而悟曰。此中焦濕痰。隨經水下流。壅於子戶也。經下而痰凝。故化為膿。以原非毒。故不痛。用白螺蛸。虎火煨。存性為君。南星半夏為臣。柴胡甘草為佐。麩糊為丸。令早晚服之。未幾劑而汛行不腫。次年生女。

田斌公。吳車駕湧澗公岳也。年將六旬。為人多

怒多愁。胃高舌脹。飲食少。時醫治以平胃散。根
木丸。香砂丸。不効。復以檳榔三稜。莪朮之類。日
消之。而大便溏瀉。兩足跟踝皆浮腫。漸及兩手
背。醫又以其手足浮腫。而認為黃胖者。以針砂
丸與之。腫益加。面色黃且黑。自二月醫至八月。
身重不能動止。又有以水腫治者。車駕公雅善
予。因延診之。脉沉而濡弱。予曰。此氣虛中滿症
也。法當溫補。兼升提。庶清陽升。則大便可實。濁
陰降。則胃高自寬。以人參白朮各三錢。炮姜四

陽陳皮各一錢。茯苓黃芪各二錢。澤瀉升麻肉桂蒼朮防風各七分。三十帖而安。客有疑而詰予曰。此症諸家非消導則淡滲。而先生獨以溫補收功。腹中積而為滿。為腫者。從何道而去也。予曰。脹滿非腫滿比也。故治不同。腫滿由脾虛不能攝水。水滲皮膚。遍身光腫。今脹滿者。先因中虛。以致皮脹。外堅中空。腹皮脹緊象鼓。故俗名鼓脹。蓋由氣虛。以成中滿。若氣不虛。何中滿之有。氣虛為本。中滿為標。是以治法。從氣虛。

氣衝運則清濁始分。清濁分而脹斯愈也。十七
令孫令淨涵減公尊堂太夫人。以季春眉壽連着
戲文二十餘本。且多食魚腥蝦蟹。偶發寒熱。三
日不退。第四日左耳前後及頰車皆紅腫。第五
日右邊亦腫。第六日腫及滿頭。紅大如斗。眼合
無縫。昏憤不知人事。譫語若有邪祟。粒米不進
者八日。舉家驚惶。逆予為治。診其脉六部皆滿
長而數。予曰。此大頭疫也。即以貫衆石膏各六
錢。柴胡葛根各三錢。赤芍藥天荅粉各二錢。其

草一錢。黑豆四十九粒。水煎服之。日進二帖。脉始減半。第九日方進粥。飲半盃。前藥除石膏。又四帖而安。是倏也。人皆為予危之。謂八十之尊。年。八日之絕粒。頭大如斗。體熱如燔炭。昏憤譫語。乃不去而治。何冥行不知止如此。而其婿閔懷海亦言。病勢如此。吾心亦危疑。見先生安閑而甘寢食。賴以少慰。予曰。此疾為陽明少陽二經熱壅而然。夫陽明多氣多血之經也。以高年故不敢用硝黃。惟投以輕清解散之劑。使因微

汗而解。症脉相對，雖重可生。假如人言以高年
病危而棄不治，豈惟非賢之存心於病家相托
之意亦孤矣。可乎哉。十八

丙申夏見所滿公。謁予於海陽邑。即時霑浹，邑
市水漲。公至，予驚問曰：公貴倨也者，何堪此。公
曰：與君間者濶矣。且先君服闋，秋當北上，不卜
補任南北。謁求一診，他何計。予究何疾。公曰：無
第年甫踰彊，微覺陽痿。次早診畢，語其隨行俞
金二子曰：公脉上盛下虛，上盛為痰，與火，下虛

為精元弱。切宜戒色。慎怒。劑宜清上。補下。不然。
三年內。恐中風。不免。蓋由痰生熱。熱生風也。識
之。識之。乃為立方別去。公亦未暇製服。公次年
八月。徃逸武林。不無勞怒。又屆中秋。連宵酒色。
平常色後。輟用鹿角膠三錢。人參一錢。酒送下。
以連宵有犯。乃用鹿角膠五錢。人參三錢。空心
服之。十七日薄暮。偶與社友談詩。筵間左手陡
然顫動。把捉不住。隨歸房。左手重不能舉。十八
日早。左邊半體手足。皆不為用矣。亟令人逆予。

予適在前坵吳宅。及至公驚喜交集曰。君何先見若此也。先少保患在左體不遂者三年而致不佞。今亦左體。其風水致然。牧弟先少保年七十餘不佞四十有七。先少保不能遇先生。不佞賴有先生。或可企無恙也。予始觀面色赤。口微喎。向右。唇麻。手足躄拽。已成癱瘓。胗其脉左絃大。右滑大。先用烏蘘順氣散一帖。服後昏睡半日。醒覺面更加赤。喎亦稍加。知痰盛。使然。即以二陳湯加全蝎。姜蚕。天麻。黃芩。石菖蒲。紅芍。春

尤水煎。臨服加竹瀝一小酒杯。生姜汁五茶匙。一日兩進。晚更與活絡丹服。至第六日。手指稍頭畧能運動。足可倚棹而立。予喜曰。机動矣。改用歸芍六君子湯加紅苓鈎藤天麻竹瀝姜汁。服二十帖。行可二十步矣。手指先麻木。不知痛痺。至是能執物。繼用天麻丸。兼服全鹿丸。調理百日。病去十之九。次年二月北上。補任永清公。以病後能戒色。斷酒。自知培養。故藥功獲奏。此症予歷治。歷効者。良由先為疏通經絡。活血調。

氣然後以補劑收功。惟經絡疏通，宿痰磨去，新痰不生，何疾不瘳。此治類中風之法也。十九

見所公弱冠，隨尊君大司馬印老治河居北，患白濁，精淫淫下。自北地山東淮揚鎮江及江右三吳諸名家醫藥三年不效。癸酉冬，禮予診之。其脉兩寸短弱，兩關滑，兩尺洪滑。觀其人襟期瀟灑，出塵而神色閑雅，真翩翩佳公子也。一接見，便就暱，而信余請藥。予曰：公疾易愈，第待來春之仲一劑可瘳。而今時不可。公固請曰：先生大

方而善拯人之急。以大方而治小疾。試可立効。何待來年。予曰。非秘其術不售也。素問有云。升降浮沉必順之。又曰。天時不可伐。公脉為溫。痰下流。症也。經曰。治痰必先理氣。而脉書亦謂洪大而見於尺部者。陽乘於陰也。法當從陰引陽。今冬令為閉藏之候。冬之閉藏。寔為來春發生根本。天人一理。若不顧天時而強用升提之法。是逆天時。而洩元氣。根本既竭。來春何以發生。故素問曰。必先歲氣。毋伐天和。必養必和。待其

來復公疾本小而歷治三年不効者。良由諸醫
不知脉。不識病。不按時也。公聞言唯唯。乃尊君
所遣之醫踵接。治竟無効。至春分而逆。予以白
螺。細壳。火煨。四兩為君。牡蠣二兩為臣。半夏。葛
根。柴胡。苦參各一兩為使。黃柏一兩為使。麩糊
為丸。名曰端本丸。令早晚服之。不終劑而全愈。
公復書曰。賤疾果如先生言。今勿藥也。向歷治
三年不効。竊謂天下無藥。服端本丸而愈。又信
天下有藥矣。二十

少司空凌繹老夫人蔣適繹老無幾。腹脹痛發熱。經過期不行者五日。諸醫皆以經期作痛為調。經不効。而繹老召予診。左寸洪滑。兩尺皆滑數。左尺之外。更有神氣。予喜而語繹老曰。經閉非病。孕也。產必男。繹老雅信予。因究其說。予曰。滑非經閉之脉。左尺尤有神氣。是以知產必男也。繹老謂果孕矣。素發熱。腰痛。何予曰。何傷氣虛血熱耳。以安胎飲。加減調理。即安也。用人參白朮。白芍藥為君。川芎當歸為臣。香附柴胡蘓梗。

條芩甘草為佐四帖腹痛減熱除至期果生子
絳老德予而多推轂云 二 十一

金文學元岩之眷產後兩日腹痛下痢純紅腸鳴
三越月時當孟秋而脉皆軟弱用佛手散加減
以治川芎三錢當歸五錢艾葉炮姜各一錢桂
心五分酒炒白芍藥二錢連進三帖而疾減半
後因食新菱新粟又連為怒氣所激日晡暈厥
以生姜湯灌甦腹脅大痛手不可近用二陳湯
加香附砂仁桂皮炮姜與之痛亦不減且胃高

脹甚自以手探喉中吐出菱粟痛稍定少頃復痛又用手探吐吐後瀉三四次而元氣脫矣脉皆散亂如解索狀神氣憊而恍惚循衣摸床病勢危急用人參白朮各五錢酒炒白芍藥二錢砂仁炮姜肉桂甘草各一錢急煎進之痛乃稍定精神清仍瀉二次次日復進前藥痛減瀉止加白朮又四帖而飲食進精神勃勃興起矣此因初痢時醫者不以產後為重徒以治痢苦寒之劑傷其中氣又為菱粟生冷所損中氣益壞

然也。治可不慎哉。二十二

沈三石別駕公夫人嚴產三日而腹不暢。南潯女科陳姓者為下之。大瀉五六次。遂發熱惡心。又用溫膽湯止吐。小柴胡退熱。服四日。熱吐四日。粒米不進亦四日。又進八珍湯加童便。服後昏憤。耳聾眼合。口渴腸鳴。眼胞上下及手足背皆。有虛浮。因逆予治。診其六脉皆數。時五月初二日也。予曰。脉書云。數脉所主。其邪為熱。其症為虛。法當以十全大補湯加炮姜進之。夜半稍清。

與進粥一盃。始開目言語。次日午時。以承值者
倦而藥不相接。且言語太多。復昏昧。不知人事。
初四日。以人參白朮各三錢。炮姜茯苓陳皮各
一錢。甘草五分。煎服。訖體微汗。遍身癢。瘞熱退。
而神爽。下午又藥不接。又動怒。昏昧復如前。六
脈散亂無倫。狀如解索。癢瘞沒。而虛極矣。亟以
人參白朮各五錢。炙甘草炮姜大附子各一錢。
連進二帖。是夜熱寤。唯呼吸之息尚促。初六日
脈又數。下午發熱不退。環跳穴邊發一毒如碗

大紅腫微痛。夫人父嚴翁與陳女科交譜之曰。向之發熱惡心皆此所致。由附子乾姜溫補誤也。須急用寒涼解毒之劑。予正色而諭以理曰。此乃胃中虛火遊行無制。大虛之症。非毒也。若作毒治而用寒涼。速其死爾。內經云。壯者氣行則愈。怯者着而成病。惟大補庶可萬全。三石翁然予言。急煎附子理中湯進之。日夕兩帖。參朮皆用七錢。服後癆瘵復出。毒散無踪。熱亦退。沾沾喜矣。復以參朮白朮散調理而全安。皆由產

後誤用下藥致變百出。噫。嗚。彼不達變之專科。其可任哉。二十三

語封吳太夫人者。車駕湧瀾公母也。年餘六十。久患白帶。歷治不效。變為白崩。遂予治之。診得右寸滑。左寸短弱。兩關濡。兩尺皆軟弱。予曰。據脈心腎俱不足。而中焦有濕。脈經云。崩中。日久為白帶。漏下多。時骨木枯。今白物下多。氣血日敗。法常燥脾。兼補心腎。以既濟丹補其心腎。以斷下。丸燥中宮之濕。則萬全矣。服果不終劑而愈。

既濟丹方 鹿角霜 當歸 白茯苓各二兩 石

菖蒲 遠志各一兩 龍骨 白石膏各一兩 益

智仁五錢 乾山藥打糊為丸 梧桐子大 空心白

湯下七八十九

斷下丸方 頭二發炒三兩 黃荊子炒二兩 海螵

蛸磨去甲 樗根 白皮各一兩 麵糊為丸 下午白

湯送下六十九 二十四

吳北海太學令政 每月經行期之前 四肢壘又發

塊 紅紫脹痛 不思飲食 胃脘亦常痛 經水多不

及期診其脉兩手皆駛以症脉忝之肝脾二經
有鬱火也蓋肝主怒脾主思多思多怒隱而不
發鬱滯於中故臨經累又發經腫於四肢也以
柴胡 川芎 香附 烏藥 白芍藥 青皮
丹參 玄胡索 鬱金 酒炒黃連 山梔子
治之而愈二十五

吳之清客周芻玉者豪放不拘人言有晉人風酒
後益恣而好男色因患白濁吳醫有以補中益
氣湯升提者有以六味地黃丸補陰者有以五

苓散六一散滲利者有為降火者有為溫補者
不效又以草頭藥亂進之肌瘦如削膝軟如痿
患有年所矣因紹介吳太學北海而謁余懇為
治之診其脉右寸關皆數予曰皆由酒後不檢
所致也中宮多濕多痰積而為熱流於下部故
濁物淫淫而下久不愈矣與以加味端本丸服
之而瘥白螺獅壳四兩牡蠣苦參葛根黃柏各
二兩陳皮半夏茯苓各一兩甘草五錢麵糊為
丸令早晚白湯下三錢

丁酉夏予寓雒城顧鄉官宅其門下竹匠婦懷妊五月而患心痛究其所由起謂由失足墜樓也始教飲韭菜汁一盞而痛隨止其夫又從它醫贖藥二帖歸令魚服服既心復痛吐鮮血盈盆胃間冲又上抵疼不可言危在頃刻竹匠告急于僕孫安安憐之懇予診治六脉皆洪大汗出如雨喘息不相續其婦樓居低小予令亟移居樓下隨與益元散五錢令用紫蘊湯調服又囑之曰今夜若睡聽其自醒切勿驚動汗止即甦

也。服後果睡至曉。汗歛而胃鬲不痛。喘息亦定。再與固胎飲一帖。遂服而全安矣。先是鄰醫診其脉。謂吐血之脉宜沉細。今反洪大。而汗出喘息不休。危在今夜。及病起來。詢余曰。姪嬭不得汗。不得下。不得利。小便。是謂三禁。昨日之劑。悉犯之。而反獲効。何哉。予曰。醫貴審症。蓋嬭之患。非由病汗。以棲居低小。當酷暑而熱逼。故也。汗血去。而胎失養。故忡忡上桓。喘息不續。移樓下。以避暑氣。益元散為解暑之聖藥。而紫蘊又安。

胎下氣之妙品。氣下則血歸原而病痊矣。此對
症之藥。法出王海藏醫壘元戎中四血飲是也。
特諸君檢閱不徧。即檢閱亦不知為胎產之治。
余何能不過融會前人之法用之而不膠焉耳。
鄰醫俛首唯唯而退。二十七

壬申秋仲。子東遊攜李。而王松泉吳小峯偕行。小
峯語予。中秋至矣。此間一妓李姓者。行第七。殊
可人意。須訪之。晚令佐酒。至則見其態度果澹
雅風致。坐少頃。連環西聲。小峯究其病。曰。偶耳。

小峰謂毋誑。孫公知人生死。不啻扁鵲。可求一
診。診之。兩寸短滿。兩尺洪滑。關絃。子未語而小
峰問脈。子曰。脈甚恠。公可問經行否。曰。行僅一
日。亦僅點滴。子曰。此脈在良家。主夢遺。若不宜
有也。妓曰。良然。即御客時。亦或遺。遺則冷汗濕
淫。體倦而不能支。小峰為請藥。子曰。姑置之。小
峰問何故。子曰。金木相勝。心神無主。法當不洩。
小峰謂人尚無恙。何得便至於此。子曰。絃為春
令。當金旺之時。猶然猖獗。設在卯月。木旺火相。

肺金枯痿。水之上源已竭。且腎脉洪滑。妓以慾勝。陰血既虧。淫火愈熾。書云。陰虛則病。陰絕則死。今已咳嗽。其兆見矣。可治乎。次年二月果死。
二十八

有老妓金姓者。其嫂三月患頭痛。身熱口渴。水瀉不止。身重不能反側。日漸昏沉。耳聾眼合。夢多亂語。嘉秀醫者。歷試不效。視為必死。予適吳江歸。便道過樵李。訪南溪吉泉二兄。吉泉兄以是症見詢。且言諸醫有以補中益氣湯進者。有以

附子理中湯進者。二藥已煎成未服。華弟至。乞
為診之。六脉洪大。觀其色。內紅外黑。口唇乾燥。
舌心黑胎。不知人事。予曰。此瘵瘵也。法當清脾。
急以小白湯進之。猶可生也。若附子理中湯。殺
之耳。安可用。南溪兄問小白何湯也。予曰。小柴
胡。白虎湯。合而一之是也。南溪兄謂淺瀉。予曰。
如此。恐石膏不可用也。予曰。此挾熱下利。但使
清陽上升。則瀉止熱退。而神氣自清也。服訖。夜
半神氣甦醒。惟小水不利。熱渴不退。予思仲景

法謂渴而身熱不退。小水不利者。當利其小便。乃以辰砂六一散一兩。燈心湯調服之。兩帖而瘳。南溪兄曰。死生信乎命也。弟頃刻不至。必服理中湯。此婦不為泉下人哉。二十九

有曾姓諱鏜者。九月重陽。以胃滿不舒暢。而謁南溪兄為治。診未竟。予至。南溪兄起語曹曰。舍弟高手。說診之。診訖。未有言。而南溪私問曰。曹何如脉。予曰。不治。會易貨者。沓至。予亦別去。曹果次年二月死。南溪兄問曰。向曹無它病。而弟見

脉即斷不治何也。予曰：其脉兩寸洪滑搏指，兩
關微絃，兩尺微弱，難經所謂溢脉也。九月深秋，
木彫零時也，不宜絃大，大則上盛下虛。至二月
木旺，木能生火，火木性皆上升，不下，下無真陰，
以相濟。是有陽無陰，有升無降。內經曰：出入廢
則神机化滅，升降息則氣力孤危。是以斷曹子
二月當嘔吐而死也。三十

嘉善之妓李雙號素琴，體雖肥而性冲澹，態度閒
雅，端重歌調，倡家推其擅場。與子邑程芹溪處

厚。患痛風自二月起。至仲冬。諸治不効。搗母慳
毒。遂視為痼疾。不為治。而芹溪固懇予診之。六
脉大而無力。手足肢節腫痛。兩跨亦痛。不能起
止。肌肉消其半。日僅進粥二椀。月汛兩月一行。
甚少。予曰。此行痺也。芹溪問病可治否。予笑而
應曰。君能娶。予能治之。芹溪曰。嫁娶乃風月中
套語。公長者。乃亦此言。予曰。觀此子。雖箇風塵
寔有良家風度。予欲給之。芹溪曰。予亦不願
有心於君。或天緣也。予笑曰。天緣何物。予笑曰。

高其價而難與言。予謂求其病而盟之。易與耳。
芹溪以予言為然。乞為治之。以人參白朮。各仁
各三錢。當歸枸杞杜仲。龜板。蒼耳子各二錢。晚
香沙。秦艽。防風各一錢。大附子。甘草。桂枝。黃柏
各五分。十帖而痛止。腫消。改用歸芍六君子。加
苡仁。丹參。紅朮。石斛。紫荊皮。三十帖而全愈。芹
溪娶之。善持家。舉族稱賢。而亦羨予知人焉。
十一

沈別駕翁有老僕。頭痛遍身骨節痛。面色黑。發熱

口渴胃高膨脹。飲食七日不入。復感寒。人皆危之。予診其脉。左絃數。右洪大。以藿香蒼朮防風葛根白芷紫蘓甘草陳皮大腹皮麦芽枳實。服後胃高稍寬。熱與痛更甚。改以麻黃葛根紫胡各二錢。石膏滑石各三錢。紫蘓葉白芷蒼朮各一錢。甘草五分。姜三片。服後大汗出而熱痛皆除。惟口渴。又以白芍藥當歸石膏知母柴胡黃芩麥冬葛根陳皮煎服。全愈。別駕翁喜。詰予曰。老僕病甚重。無不謂其必死。先生三日起之。

何症，而何湯劑飲之使起也。予曰：此三陽合病，先為飲食所傷，予故先用藿香正氣湯加消導之劑治其本，又以六神通解散加助表之藥治其標。病雖重，年雖高，喜其色脈相對，故投以對症之藥，易愈也。翁曰：在先生然耳。若它人，輕者且重，况重者乎。吾未見其能起也。三十二

蔡中林文學內人，發熱口渴，舌上燥裂，小腹疼痛，嘔吐，藥食不能入者七日。諸醫之技殫矣，皆視為隔食而不可為。吳我峰翁固邀予診。右寸脈絕

不應指關沉滑有力。左手絃數。予曰。此陽明少陽合病邪熱壅於上焦然也。非鬲食法當解散。數劑可愈。無恐。以軟柴胡石膏各五錢半夏麩枳實黃芩黃連葛根竹茹人參各二錢姜三片煎服藥納而不吐。五更下黑糞數塊熱痛減半。次日仍與前藥右寸脉至是亦起粥始進改用小柴胡加橘紅竹茹葛根服三帖而全安。三十

吳九宜先生。每早晨腹痛洩瀉者半年。糞色青。腹

膨臍人皆認為脾腎洩也為矣。關元三十壯服
補脾腎之藥皆不效。自亦知醫謂其尺寸俱無
脉。惟兩關沉滑。大以為憂。以人言洩久而六脉
將絕也。予為診之曰。君無憂。此中焦食積痰洩
也。積膠於中。故尺寸脉隱伏不見。法當下去其
積。諸公用補謬矣。渠謂敢下。耶。予曰。何傷。素問
云。有故無殞。亦無殞也。若不乘時。久則元氣愈
弱。再下難矣。以丹溪保和丸二錢。加倍急丸三
粒。五更服之。已刻下稠積半桶。脹痛隨愈。次日

六脉齊見。再以東垣木香化滯湯調理而安。渠稱謝言曰。人皆謂六脉將絕為虛極。公獨見之真。而下之。由公究理深遠。故見之行事。著之談論。皆自理學中來。它人何敢望其後塵。三十四

沈大官左膝腫痛不能起止者。年半。大便瀉。一日三次。診其脉絃緊。予曰。此脾虛有濕熱凝於經絡。流於下部也。古謂腫屬濕。痛屬火。用蒼朮黃柏。意以仁為君。澤瀉猪苓五加皮為臣。炙甘草防風桂枝為佐。木通為使。四帖痛減。腫消。洩瀉。

亦止改用蒼朮蒼耳子五加皮苡仁當歸枸杞
子杜仲丹參黃柏烏藥葉酒糊為丸調理月餘
步履如故三十五

沈繼庵先生下痢十二日腹痛脫肛後重噉氣不
知飢一友用補中益氣加白芍藥腹痛愈加後
重亦甚予脈之右關滑大搏指曰此積滯因結
腸胃間故後重脫肛也當為推蕩以其素弱多
鬱不敢只為調氣而兼消導木香山查檳榔枳
實川芎白芍藥黃連黃芩秦艽服後稍寬次日

用七傷丸二帖全愈。○其內人患發熱頭痛遍
身痛乾嘔口渴胃高脹悶坐卧不安醫與以參
蘓飲乾嘔愈甚又加煩躁予診之右手洪大倍
於左左浮數予曰乾霍亂症也與以藿香正氣
散減去白朮桔梗加白扁豆香薷一帖吐止食
進遍身痛除惟口渴額痛未除小水不利以石
膏香薷滑石各五錢橘紅藿香葛根各二錢枳
榔木瓜各一錢甘草五分煎服三二一帖而愈。

晴岳先生五更耳鳴腹不舒暢稍勞則烘然熱
自汗脉右關滑大有力左脉和緩原為當風睡
卧而得素來上焦有痰火午後過勞或受餓大
作眩暈冷汗津津再不敢動稍動則嘔吐此皆
痰火所致蓋無痰不作暈也先與藿香正氣散
一帖以去表裏之邪繼與溫膽湯加天麻服後
眩暈嘔吐皆止次日診之右關脉仍滑此中焦
食積痰飲愆固已久卒難動搖姑以二陳湯加
枳實黃連滑石天荖粉天麻竹茹調理後以當

歸龍會丸加牛胆南星青礞石凡數帖全愈。

十七

潘景字內人。後半夜不睡。面黃肌瘦。兩太陽及肩
稜骨痛。大便糖。稍勞動則體熱。四肢無力。其膝
左寸洪滑。自春至秋皆然。此由脾虛肝心二經
火盛然也。先用四君子加酒連柴胡白扁豆澤
瀉滑石調理。夜與錢仲陽安神丸數粒。燈心湯
送下。服八日得睡。兩太陽亦不痛。繼用六君子
加黃芪秦艽柴胡澤瀉當歸白芍藥黃柏全安。

藏六老。上吐血。下瀉血。胃滿背心皆脹。原從怒觸
又犬肉所傷。故發熱而渴。醫者皆作陰虛火動
而為滋陰降火。胃背愈脹。血來更多。予診之而
聞俱洪滑有力。謂曰。此肝脾二經有餘症也。作
陰虛治左矣。內經曰。怒傷肝。甚則嘔血。并下泄
胃背脹痛。瘀血使然。脾為犬肉所傷。故不能統
血。今誤用地黃。麥冬。黃柏。知母等劑。是以脾益
傷。而上焦瘀血愈滯也。惟調氣健脾。兼之消導。

則萬全矣。六老曰：人皆謂勞怯，故發熱吐紅血。上吐，陽絡傷也。血下行，陰絡傷也。陰陽俱傷，法當不治。公獨認非陰虛，何也？予曰：脉書云：脉數無力者，陰虛也。今脉固非陰虛，書又曰：凡陰虛之熱，發於申酉戌間，夜半而退，明日猶是，如潮信然。以下午乃陰分主事，故曰陰虛潮熱也。今熱不分晝夜，而症亦非陰虛，故曰作陰虛治者，左也。六老聞言大喜曰：公誠見垣一方者。幸患一七以生之，即與山查香附枳實調氣消導為

君丹參丹皮桃仁滑石茅根化瘀血為以黃連
蘆根解犬肉之熱為佐四帖胃背寬血吐止。惟
腹中不舒仍以前藥同丹溪保和丸與之四帖
大便下極臭黑糞半桶寢食俱安矣。三十九

有城氏之婦原以有痰火服降火之藥過多至秋
痰積因令熱下行而滯於大腸臍邊有硬塊按
之甚痛痢下紅白八日下惟點滴日夜二十餘
行腹痛潮熱口渴小水不利大便裏急後重飲
食不進劑重不能轉側予診之喜左脉皆有神

氣即從劉守真之法。行血則便膿自愈。調氣則
後量自除。治之用白芍藥滑石桃仁為君。當歸
為臣。木香檳榔山查酒苓酒連枳壳為佐。服下。
大便稍流利。腹中稍寬舒。次日仍與前藥。則滯
下大行。痢減大半。第三日用芍藥當歸滑石桃
仁炙甘草酒連木香與保和丸全服。下午大便
行。上午所服丸藥隨糞而下。乃知積滯已盡。諸
症悉減。惟臍邊痛未全止。以仲景小建中湯加
當歸木香服之。而愈。附十

丁耀川文學令堂年四十四。常患胃脘痛。孀居十
五年。日茹蔬素。其年七月。觸於怒。吐血。梳許。不
數日平矣。九月又怒。而吐血如前。加腹痛。至次
年二月。忽稟急。後重。肛門大疼。小便短澁。出惟
點滴。痛不可言。腰與小腹之熱。如滾湯。泡者。日
惟仰卧。不能側。一側則左跨。并腿作痛。兩跨。扃
有痛。小便疼。則肛門之痛減。肛門疼。則小便之
痛亦減。肛門以疼之故。不能坐。遇驚恐。則下愈
墜。而疼。經不行者。兩月。往常經來時。腰腹必痛。

下紫黑血塊甚多。今又白帶如注。口渴通宵不寐。不思飲食。多怒面與手足發虛浮。喉中梗梗有痰。肌肉半消。診之。脉僅四至。兩寸軟弱。右關滑。左關絃。兩尺瀉。據脉上焦氣血不足。中焦有痰。下焦氣凝血滯。而為火。蓋下焦之疾。肝腎所攝。腰跨肝之所經。而二便乃腎之所主也。據症面與手足虛浮。則脾氣甚弱。飲食不思。則胃氣不充。不寐由過於憂。思慮而心血不足。總為七情所傷。故心脾之病。發心脾女。

子得之則不月。此病近之。且值火令當權之候。誠可慮也。所幸者脉尚不數。聲音清亮。尤可措手。因先為開鬱清熱。調達肝氣。保過夏令。後再為驟補陰血。必戒絕怒氣。使血得循經。而病可痊。不然則倉扁亦難奏功矣。初投當歸龍會丸。以徹下部之熱。繼以四物湯。龍胆草黃柏知母。柴胡澤蘭葉煎。吞滋腎丸。連服四日。腰與小腹之熱始退。後以香薷石膏龍胆草挑仁滑石杜牛膝甘草梢軟柴胡煎。吞滋腎丸。大小便痛全。

丁文學長令姊常患暈厥吐痰梳許乃甦一月三
五發後又口渴五更倒飽腸鳴腹疼洩瀉小水
短澇咳嗽余脉之兩寸濡弱兩關滑大此中焦
痰積所致也先與二陳湯加蒼朮山查麦芽以
健脾胃去濕為臣以白芍藥止痛為君以滑石澤
瀉引濕熱從小便出為佐黃芩為裨佐卜帖二
陰之痛俱止改以六味地黃丸加黃柏知母牛
膝服之全安四十二

金良美者年十八。患咳嗽吐紅。下午潮熱。夢遺。市醫進四物湯。加天麥門冬。黃柏。知母之類。治半年。反加左脅脹疼。不能側卧。聲音漸啞。飲食輒惡心。肌肉大削。六脉俱數。醫告枝窮。因就予治。觀其面色白。又隱隱有青氣。夾之。兩足痿弱無力。予語之曰。此症氣虛血熱。而肝脉甚絃。絃則木氣太旺。脾土受虧。不能統血。殆始怒氣所觸。繼為寒涼之劑所傷。以致飲食惡心。肌肉瘦削。書云。脾胃一虛。肺氣先絕。以肺金不足。則肝

木愈不能制濁痰。痰血凝於肺竅。故咳嗽聲啞。滯於肝。故左脇不能貼席而卧。病勢危矣。喜在青羊。猶可措手。因急用人參二錢。鱉甲五錢。為君。白朮白芍陳皮茯苓通草貝母各一錢。為臣。甘草牡丹皮各七分。為佐。桔梗五分。為使。二十帖。潮熱止。咳嗽減大半。三十帖。聲音聞亮。左脇亦能貼席而卧。後以大造丸調理全安矣。乃囑之曰。病愈雖可喜。而絃脈未退。須切忌怒氣及勞心勞力之事。庶幾可保。其後果不守予言而

勞怒相觸血來必不能禦戒之防之。此後精神
日王肌體豐肥。六年無事。一日遇事拂意大怒。
而又結算勞心。則血如泉湧。頃刻盈盆。上唇黑
腫。汗出淋漓。急請予診。脉亂無倫。診畢。渠語近
侍欲大解予曰。此死徵也。陰陽乖離矣。辭而出。
未離門而氣絕。父母哭謝予曰。始守翁訓。苟活
六年。一旦不戒。遂如翁所料。死生雖命。亦不自
慎致之。其為人也。量窄而繁於財。因記此以戒
世之重財輕生者。四十三

倪五娘子。以中風暈厥之後。口眼歪邪。左腳右手不能屈伸。口渴。小水不利。兩頰紫出。語艱澁。問之。則期期而對。不問默然。亦不思飲食。行年五十矣。諸醫不効。予治始與涼膈散。加石菖蒲。遠志。煎湯化錢氏安神丸二顆服之。其夜大便四行。次日神氣遂清。口眼半正。惟車類尚感。未能開聲。細察形氣。似弱也。即與六君子湯。加麥門冬。滑石。天荅粉。石菖蒲。遠志。當歸。薄荷。服後神思大清。真能自坐。不須人扶。語言亦稍利。故以

六君子湯加麥冬天荖粉石菖蒲當歸五加皮
薏苡仁紅荖天麻十帖全愈矣四十四

王祖泉令政患頭疼夜熱洒淅惡寒汗淋漓如兩
上身熱下身寒渴不思飲遍身疼腹有一塊大
如拳硬如石腸鳴小水短少飲食俱廢脉則右
關滑左絃數究所由起謂大怒後即傷於食市
醫皆以地黃門冬苓連黃栢之劑治之熱愈甚
脾氣大虛予治用平胃散如山查麥芽砂仁香
附木香川芎枳實連進四帖中氣稍能運動而

夜熱如前再與補中益氣湯寒熱俱退矣而腹
痛裏急後重予知其積滯將行也乃與白六神
丸而腹痛後重皆除改進以參苓白朮散加香
附烏梅山查服之病良已四十五

溫巽橋子婦吳車駕湧瀾公長女也發熱惡心小
腹痛原為怒後進食因而成積左腳酸痛已十
日矣南潯有陳女科始作瘟瘧療治嘔噦益加
又作瘡治粒米不能進變為滯下裏急後重一
日夜三十餘行陳技窮而辭去且言曰非不盡

心犯逆症也。下痢身涼者生，身熱者死。脈沉細者生，洪大者死。今身熱脈大而又噤口，何可為哉。因請予治。脈之兩手皆滑大，尺部尤搏指。予曰：症非逆，誤認為疫為瘡。治者逆也。雖多日不食，而尺脈搏指。內經云：在下者引而竭之。法從下可生也。即與當歸龍會丸一錢五分服下。去稠積半盆，痛減大半。不食者十四日。至此始進粥一甌。但胃高仍飽悶，不知餓。又與紅六神丸二錢，胃高舒而小腹軟，惟兩跨痛，小腹覺冷。用

熱磚熨之。子戶中白物。綿又下。小水短瀉。改用
五苓散加白芷。小茴香。白鷄冠。蒼柴胡服之。至
夜滿腹作寒。亟以五靈脂醋炒為末。酒糊為丸。
三錢。白湯送下。通宵安寢。次日精神清健。飲食
大進。小水通利矣。而獨白物仍下。再用香附炒
黑存性。枯礬各一兩。麩糊為丸。每空心。益母草
煎湯送下。二錢。不終劑而白物無。病全愈矣。專
科赧然稱奇而服。錄其案驗而去。四十六

溫一渠內人。平素血虛咳嗽。近為飲食所傷。不知

飢餓。專科作陰虛治。而胃高愈脹。平脈之右關
滑大。左手軟弱。法當先健脾。消去飲食。然後治
嗽。若為滋陰降火。不惟哮喘無功。恐脾胃轉傷。
腹脹滿。變將不測。何也。服胃喜溫而惡寒也。
即以二陳湯加山查。麥芽。枳實。白朮。川芎。香附。
與之。一劑而胃高寬。再劑而飲食進。繼用桑白
皮。地骨皮。甘草。陳皮。貝母。瓜蒌仁。馬兜鈴。桔梗。
紫菀。十帖而咳嗽脫然矣。四十七

溫巽橋。二令。總產後五十餘日。右脇脹痛。手不可

近赤白帶多下如膿。發熱大便燥結。予曰此惡
露未盡。瘀血化爲膿。治宜急也。嘗見數婦有此
病而不識治。積而成毒。有或腸癰者。有內成腫
毒。潰從臍出者。皆以不知治法。則瘀血無從
出故也。急用澤蘭葉。山查子。五靈脂。消惡露。為
君。川芎。當歸。茯苓。白芷。為臣。益母草。為佐。青皮。
青皮。為使。外與當歸龍骨丸。潤大便。使熱從大
便去。服後。次日腹脹。皆當歸龍骨丸。止。又因食蟹
與鷄子。復作疼。但不如前之甚。隨身保和丸。

山查煎湯送下三錢而痛愈矣。

四十八

溫天衢氏。冬月病日。醫為發散太過。至春間吐血。枕餘。及夏下午潮熱咳嗽。胃高脹疼。早晨冷汗。淋漓。大便澹。一日兩行。飲食少。肌肉消十之七。脉數。據症脉法。在不治里中。諸長老以其素行端厚。群然懇子措劑。予以衆懇不能辭。乃用瀉白散加五味子。白芍藥。貝母。馬兜鈴。服下。其夜帖然而卧。不嗽。惟大便澹。前藥加白扁豆。山藥。茯苓。汗亦漸止。復與瀉白散加石斛。馬兜鈴。貝

母陳皮薏苡仁白芍藥山藥五味子桔梗調理
三月而全四十九

張二娘子妊七月而嘔吐不止。氣壅咳嗽。胃與兩
脇皆脹。不能伏枕。子先與金苓丸二服。以止吐。
服下立應。繼與大腹皮陳皮枳殼半夏甘草竹
茹茯苓旋覆花前胡紫死黃芩生姜。服二帖。氣
平軟止。安然睡矣。五十

金苓丸者。雄黃一錢五分。半夏一兩。栝柳二

錢。姜汁浸。蒸餅糊為丸。是也。

三。張泉內春。患痰。喉腹飽脹。洩瀉。腸鳴。裏急後重。
發熱。口臭。鼻之氣如火。塞以六君子湯。加山查。枳
朮。柴胡。秦艽。青蒿。白芍藥。益智仁。與香連。丸氣
服。兩劑。氣舒。嗽減。大便結實。鼻仍塞。前方加川
芎。減白芍藥而安。五十一

溫南溪內人居常大便秘結。面赤。不思飲食。頭時
眩暈。診其脉。右關尺滑大有力。此痰火症也。用
瓜蒌四錢為君。滑石三錢。枳實二錢。半夏一錢。
半為臣。蘿蔔子。姜黃各一錢為佐。兩帖愈矣。又

教以或遇大便秘結每服當歸龍會丸加牛胆

南星一錢立應五十二

陳春野孝廉二令愛患丁奚疳痢四肢浮腫以布
袋丸與大安丸同服則大瀉用參苓白朮散加
澤瀉山查麥芽瀉亦不止神氣大弱穀粒不入
口小水不利大便一日仍三五次積滯未除改
以參苓白朮散加肉粟與服瀉稍止食粥一盞
下午因食紅棗數枚夜分痰忽起其勢甚危急
與蘓合丸服之而愈

參苓白朮散加石菖

清養香炮姜向菓調理全安 五十三

婦敬全令媳原因經水不行醫投安胎之劑越七
月經水忽大行內有血塊筋膜如手大者一二
桶昏胃困憊為劇遂手治其脉右關洪滑左寸
洪數兩尺皆洪大病形夜分咬牙亂語手心熱
口噤時手足皆冷心頭脹悶不快面色青始諸
醫皆謂難治予曰無恐此濁痰流滯血海以誤
服安胎之劑益加其滯夫血去多故神魂無依
痰迷心竅故神昏語亂急為調氣開痰安神養

血可生也。即以溫膽湯加石菖蒲酒。今天麻酸
杏仁丹參與服。其夜子丑時咬牙亂語皆減半。
次日仍與前藥。每帖加竹茹五錢。臨睡又與黑
虎丹數粒。諸症悉去而愈。敬齋問曰。藉高手病
痊矣。而每發於夜半何也。予曰。此心包絡與膽
經有痰熱。故每至其時而發。單治此兩經。痰既
消而神魂俱安也。敬齋曰善。五十四

上合藥懷赤每早晨腸鳴瀉一二度。晚間瀉一度。
年四十二。且未有子。予診之。尺寸短弱。右關滑

大子謂此中焦有濕痰。君相二火皆不足。故有此症。以六君子湯加破故紙桂心益智仁肉苁菟煎服。瀉遂減半。又以前藥加杜仲為丸服之而愈。次年生子。五十五

臧七房二老夫人。年六十八。患痢。痢後過食熟菱與腐湯。以致大便滑洩不固。飲湯水徑直下不停。曾高舌悶。語言無力。舌乾口燥。生瘡。嚙津液。則喉疼。元氣大虛而熱。皆虛火所致。且長素二十餘年。又常痢後。益知非有餘之症也。脉又尺

寸俱弱。兩關滑大。內經云。清氣在下。必生飧泄。濁氣在上。必生臌脹。此之謂也。法當提清降濁。補助元氣。用四君子湯。加葛根。白芍藥。黃連。清虛熱。止燥渴。為君。桔梗。輔佐。葛根。升提清氣。為臣。陳皮。麥芽。降其濁氣。以消胃。芩。否。悶。為佐。加烏梅。為使。上使生津。下使止濁。連服二劑。尺寸之脈稍起。飲食亦得停腹。駸駸然。始有生氣。仍以前方加白扁豆。神麩。打糊。為丸。調理而安。

茶葉川令者。患頭痛。痛如物破。髮根稍動。則痛延
滿頭。暈倒不省人事。踰半時乃甦。遍身亦作疼。
胃滿飽悶。飲湯水停隔。間不下。先一日吐清水
數次。蛔虫三條。原由怒起。今或惡風。或惡熱。口
或渴或不渴。大便秘。脉則六部皆滑。大有力。予
曰。此痰厥頭痛症也。先以藿香正氣散止其吐。
繼以牛黃丸。黑虎丹。清其人事。頭仍疼甚。又以
天麻葉本各三錢。半夏二錢。陳皮白芷薄荷麻
黃生薑葱白煎服。得少汗而頭痛少止。至晚再

服之五更痛止大半。而人事未全清。予謂此中
焦痰盛。非下不可。乃用半夏五錢。巴霜一分。麩
糊為丸。每服三十九。生姜湯送下。下午大便秘
三次。皆稠粘痰積也。由此飲食少進。餘症差可。
惟遍身仍畧疼。改用二陳湯加前胡石膏。藁本
薄荷枳殼黃芩石菖蒲調理而安。五十七

周薑汀乃眷。患胃脘痛。手心熱。嘔吐不食者四日。
晝夜叫痛不輟聲。脉則兩手皆滑數。予謂當以
清熱止痛為先。故先與清熱止痛末藥二錢。令

服之不一飯頃痛遂止而睡家人皆色喜予曰
幸也此火暫息耳其中痰積甚固不乘時而下
之勢必再作因與總管丸三錢服下腹中微痛
再服二錢又睡至天明乃寤而腹痛亦止大便
下痰積甚多次日以二陳湯加枳實姜黃香附
山梔黃連與之服後胃脘之痛全止惟小腹畧
覺膨脹予謂其痰積未盡也再與總管丸三錢
夜服之天明又行一次痰積之下如前而胃脘
之痛亦絕不發矣五十八